

www.BibleForChildren.org

Matiyuhu 8



Aihi asisiha aimi yatairi sanaihi kasiniheti Jisaasihouni komi otipatihyaanuni yapipati Piropinjhandi Garirihanda noaipahaayo. Aihi asisiha seti yapipati Piropinjhandi Garirihandami aunahipati Kenaahanda utaaho wo apopaati neti wiraitandi nandapa neti timanataise.




Aihi Jisaasihomi sanaati kura niyati kapihi bindataise.
Aihi utaaho neti apopaati wiraitandura Jisaasihouni
nyahi komi otipipatihiyaaninuni utaaho apopaati neti
wirahonihhi iwinjaitihaawi gaatauhi niyahaayo.



Aihi waapoho wainihandi isihiyai nunyawī owetihi
Jisaasihomi sanaati Jisaasihoai saundataase.
“Waapoho wainihandi kandinihi nunyauhi wīndi
ahimotati kandinihi owendaise,” undataase.
Aihi Jisaasihomi sanaati isihiya otipipatihiya
kapihapihiyai saundataase.



“Nisi maasiho Jisaasiho sangi wapaapi saiwi sapa kaiwise satonaaraahi sahi atiwi kaiwise,” undataase.




Aihĩ saiwa onaiwopi waapoho nipi nepi
tisaipi nuhaitaatiwi otipipathiya
kapihapihiyai Jisaasiho kaundataase.
Kaundihi kiya waapoho nipi nepi
nuhaahauhi kaiwa onaahaiwa nahatewa
tisaitataise.



Aihī Jisaasiho otipatihīya waapoho nipi
nepi nuhaahohiyihīyai saundataase. "Nini
kasatonihī waapoho nipi nepi nuhaahauhī
tisaitisimomi nuhaapi wani isisi naiwi utaaho
nandapa tihauhī jaati bimisihoai nunyawise,"
undataase.



Aihi kiya komi piwtha atiwi
nuhaapi isisi naiwi awaisiho
koai nunyawaayopo.



Nunyahū ko nandapa tihohitihandi jaati bimisiho
waapoho so noaipati titihi wainihandimatisiho neti
nanati mmonataise. Iyataati
ko waapoho wainihandi
sandapi maahapihapi
nesi napiwihoe tati
windi gimunyaase.



O ami otipipatihiya Jisaasiho kaundihi waapoho nipi
nepi nuhaahohiyihyaahi sandapi gwinyaapihyaare.

Aihi nandapa tihohitihandi
jaati bimisiho neti nanati
mmonata waapoho
wainihandi apipaahi
gaahanditih namati
apopaati neti
wiraitandihoi
gaatati
numwaataise.




Gaatati numwaati saundataase. "Usipipaaphura
wainihandi waapoho gaaho biyati jipaisiho jithi isihiyai
nunyauhi kiya waati nanihauhi
ipoti waapoho wainihandi
goti wonji jipiyahandi
nunyawaayopo isihiya
nanawaawi waapoho
kimo jipiyahoe
jimaayahoe
maatiwi kiyaami
amitiha aimi . . ."




“ . . . naharimainjihandisi nehi nanihaiwi nandaatiwo.”
Siyatisi kinyi kireti saimbi kamaimbi gaaho waapoho
ipihatimbosapapi wani kimura
kinyi gaahati kaimbi
otipipatihiyai
Nunyapusoasapaise,”
undataase.




Iyataati sandi watipihandi Jisaasiho kaihi noaipasitimandi
yapipati Piropinjihandi Garirihandami
aunahipati taunihandi
Kenaahanda wuwaninihi
watipihandi jhapihandi
namasati kiyataise.



Iyataati sandi Autaahaathomi watipihandi kiyati satati,
"Nini Autaahaathonine," tati kiyai
nunjataise.





Siyati kaihi komi otipathiyaanini sandi komi wandiha
watipihandi mmonihaawi,
"Autaahaathomi Mwaaho
Akohore," taati kopi nyahi
giwunyaahaayo.




Aihĩ Jisaasiho Pitaahomĩ anjipihĩ
nasati noaipataise. Iyati anjaani
nandaati mmonataati Pitaahomĩ
sanohaamaati sisiha nusoaipati
yaawihĩ nanotondaise.




Aihĩ Jisaasiho kaati ikwiri ahiwisa sisiha timbipa nemwa titihiwataise. Aihĩ kaati nepati Jisaasihopi nandapa turihati koai yainjiraawisataise.



Aihi kura asahataahura ipiho aimi namaatipati asisiha
napandosihī isihya timbipaisahiyaisuni ami isihya
itipihō maipihapa neti
daahi ipihatisa
bimisawihiyaisuni
numwaasi
Jisaasihoaapihi
nasawaayopo.
Aunahipa
sataahapihiya
nahatiya anaanami
maasometeti
masapipihī
ahoyanawaayopo.



Isihiya timbipa kahapa kahapaisawihiyai nemwa
titihwiwa itipihoma maipihapai neti natausaasataise.
Iyataati itipihoma maiphapa Jisaasihopi Autaahaathomi
Mwaahoso tiwi usoniwi gwinyaahauhi Jisaasiho,
“itipihoni maiphoni kaahaamaatime,” undati
maahomwaanji neti nuwisapuwataise.




Aihĩ ami isihya nahatiya Jisaasihoai uwipi
numwihatitaatiwiyawaayopo. Sandi apaapimaahē
isihya usa koai uwipi numwihatohiyihyaami timbipa
komi watipihandi
awaindihandi
komi hetapi noaipasi
sanoti nemwasihĩ
biyati
gaawimatihe.




Aihi isihiya murimuri utaaho wo komi ikwauhiri namihata biwatehoai gwitihoti ahiyawitipwinji Jisaasihoaapihi nasawaayopo.




Tipwinji napiwi Jisaasihoaapihi
nandaito tiwi mmonawa isihiya
tisaitataati nandaitihira daihira
apipaahi owetihī namapi
anjhandami anjitaupwataatihi
koai nesi
Yamwaawaayopo.



Nesi yamwaapi mihasiní
añitapwataatíhi bitotawa titíhi
Jisaasiho bitosisisíní
añitapwa nawatawaayopo.



Nawataposawi utaaho gwitihoti
kiyati nanototihī wirihireti mihatihī
Jisaasiho bitosiṗiṗihī
nusoasawaayopo.




Isihiya siya Jisaasihopi utaaho watipihosi nga utaamo kimoai titihemwaitaise tiwi giwunyaahohitihandi Jisaasiho usonataise.

Usonataati utaaho ikwauhiri namihatisihoai Jisaasiho saundataase.


“Nisi maasiho kinyi maipihaiwa nahatewa nini aini nehimataayo,” undataase. “Nini gisi kinyi yutihiri gwaumbwi nanopotingipipa dopi bitotapa nawopi isisi numwe hitataato,” ndataase.




Aihĩ Jisaasihoaisawĩ komĩ otipipati mmoniwi nepi kaiwi
nuwipinjohiyihiyaisawĩ kopuhoti
yamwaasi nowaayopo. Taawi
niyauhi nuwisaataatapi
itinambitihiri apipaahi
aungwohandi
durihiraatihĩ
noaipataise.




Noaipati itinambitihiri durihiri tiwayaasihi waapihaati
sisiho doti kopuhoti tiaraamataise.
Sandi taati saihi Jisaasihohi
ahomaaya nanomataise.



Undauhi Jisaasiho nepati kiyai saundataase, "Sahi napindapi yayopo? Sahi nisapi ginunyaahohitihandi maahitihe?" undataase. Saundatosati Jisaasiho dotati itinambitihirisuni durihirisuni yatihitipi owete undihi ami itinambitihiruni durihiri sisihaiwaamatiyati dosi napiwaiwa Jisaasihomi maahomwaanji atiwisa kandinihi apipaahi yatihita owendaise.




Saiwa saihi Jisaasihomi otipatihiya ese tiwi ikwiri mangira ikwinawaayopo. Ikwiniwu sanawaatopo. "Kimo utaamo napimahoe? Ami itinambitihiri waapihaati sisihomatiyahaiwaisangi komi maahomwaanji atiwisa asimwaatitihiri sanaindimando?" nnawaatopo.



Iyataati Autaahaatiho isihiya
yapipatambihiya nahatiyai maariho
apipaahi aungwohandi nunyataise.
Siyati maariho aungwohandi
nunyataati nini komi Mwaahonini
nehi naasonihi kiyaapihi
natanoaasataise.

40




60



Natanoaasindimandi apaapimaahe
ami utaaho itapa wo waati nisapi
ginunyaahohiyihiya windi namaapopi
kiya asiyaaimatiwi jinjapihi
jinjapihi kiyaanihi
bimitaatiwe.

40



60



Romihya 3:23 Sandi isihya nahatiya
nauratetohitindi ami maipihandi kaiwi kiyai
Autaahaathiho japihi numwaahonihi koaisawi maasi
bimitaatiwihandapi nenoahitaue.

Romihya 6:23 Ami maipihandami otipipati
kawisohiyihyai kandi wihoaanjhandi numwihi
napowaayopo. Siyauhhandi kandi Autaahaathiho
sawahometirihiretapi komi otipipatihyai nehhandi
gaahaiwa kawisati numwindihandih nyami
Awaisiho Kiraisi Jisaasihoaisawi maasi
timaamaitohitihanda asiyihyaimatitaatiwihandi
kiyaisi nunyataise.



Ibiruhiya 9:27 Iyataati nyahi aimi mmonaati ginyunyaatahiyaane. Isihiyaanamiheti nyahi napwitihaahandi ahondaise. Isi nyahi nehi naasuraahihi nyapihura napwitihaahure. Napowaati ami Autaahaatiho neti tipitapaati nyasondandihuraapi jatitihaawe. Jatisaihi tipitapaati nyasondandihura noaipahonihi kura Autaahaatiho neti tipitapaati nyasondaise.

Epesaasihiya 2:8,9 Iyataati sa nini sandaato. Sahi Kiraisihopi giwunyaahohitihanda Autaahaatiho sangi sahi gaahapa wapa windi kamaiwi nehihandi gaahandi kasisati japihi nasamaataise. Sahi sawanaati wapa gaahapa kamaiwi nehihandi Autaahaatiho gaahandi kasisati nasanyataise.



Sahi wapa gaahapa kiyauhi kandapi Autaahaatiho sangi gaahati kasisataamaise. Isi ami sahi sawanaati naimaatiwi genanitaatiwi owetise.

Romihiya 10:9,10 Isi ami kinyi auta isihiyaami ndiheti kinyi maahomwaanji nausaapi, "Jisaasiho nisi Awaisihoe," tipi katipi ami kinyi maariho omanjititihii satipi Autaahaatiho komi watipihandaahi animwaahipatombi Jisaasihoai jahira ahowimati numwaataise tipi giwunyaapaapaahi Autaahaatiho gi japihi nangimaitaise.



Nyahi nyami maariho omanjititih Kiraisihopi
giwunyaawaati ami nyami maahomwaanji
nausaawaati auta isihiya usaisi Kiraisihopi
ausaawaati kaundohitihandaahi Autaahaatiho
sanyatati sahi titih saasanotahiyaate nyatati
nyangi japihi nanyamaataise.

Joniho 3:16,17 Iyataati Autaahaatiho isihiya
yapipatambihya nahatiyai maariho apipaahi
aungwohandi nunyataise. Siyati maariho
aungwohandi nunyataati nini komi Mwaahonini
nehi naasonihi kiyaapihi natanoaasataise.
Natanoaasindimandi apaapimaahе ami utaaho
itapa wo waati nisapi ginunyaahohiyihya windi
namaapopi kiya asiyaimatiwi jinjapihi jinjapihi
kiyaanhi bimitaatiwe.



Iyataati Autaahaatiho nini komi Mwaahonih
nataanoaasihi kimaapi yapipataapihi nasohitimandi
isihiyai neti piwiha kiyaamiheti yawutaati sahi
maipihaiwaisawihyaatisi sami maipihaiwaapi
piwiha naitaapo unditandimaah. Owetise. Isihiyai
nini kiyaami maipihaiwaatihapi japihi numwaitandi
ningi Autaahaatiho nataanoaasihi nasataayo.

1 Joniho 5:11-13 Iyataati Autaahaatiho piwiha
akaaha kanyatataati sata kanyatataase, "sahi
asiyaatimatiwi jinjapihi jinjapihi bimitaatiwihandi
aimi nasinyataayo. Iyataati asiyaatimatiwi jinjapihi
jinjapihi bimitaatiwihandami tanyaaho Nisi
Maasihore," tati Autaahaatiho aimi
kanyatataase.



Isi utaaho wo Autaahaatihomi Mwaahoaisati biyati maasi timaamaitataataahi so asiyaaimatiwi jinjapihi jinjapihi bimitaatiwihandi aimi netaise. O utaaho wo Autaahaatihomi Mwaahoaisati windi biyati timaamaamaitataataahi asiyaaimatiwi jinjapihi jinjapihi bimitaatiwihandi windi namaitaise. Piwima kima nini jipatipiyohima sahi Autaahaatihomi Mwaahopi baiwi giwunyaahohiyihiyaatapi jipatipiyataayo. Kima piwima sapi jipatipiyohima apaapimaahе, asiyaatimatiwi jinjapihi jinjapihi bimitaatiwihandapi aimi nehaayo, tiwi baiwi gwinyaitaatiwi sangi kasatiti jipatipiyataayo.



Matiyuhō 8-9; Maakiho
1-2, 4; Rukiho 4, 8; Joniho 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Angaataha Bible (agm) © 2004 Wycliffe Bible Translators,
Inc. All Rights Reserved

<https://live.bible.is/bible/AGMWBT/MAT/1>

©2026 Bible for Children, Inc.

www.M1914.org

www.bibleforchildren.org

